



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
Ռ. ՊԵՏՐՈՍՅԱՆ

«17» 03 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ 0053-21

Ձեռնարկողը՝

**Վլադ Հակոբյանի անվան «Համակցված կերերի գործարան»
ՓԲ ընկերություն**

ք. Երևան, Նուբարաշենի վարչական տարածք, Նուբարաշեն ավան 11-րդ փող թիվ 75

Գործունեությունը՝

**Նուբարաշեն վարչական տարածք, Նուբարաշեն ավան
11-րդ փողոց թիվ. 75 հասցեում հրկիզարանի
տեղադրման շրջակա միջավայրի վրա ազդեցության
գնահատման հաշվետվություն**

քաղաք Երևան

Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Գ. Գևորգյան

Առդիր եզրակացությունը՝ 5 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱԿԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 0053-21
«17» 03 2021թ.

Երևան քաղաքի Նուբարաշեն վարչական տարածք, Նուբարաշեն ավան 11-րդ փողոց
թիվ. 75 հասցեում հրկիզարանի տեղադրման շրջակա միջավայրի վրա ազդեցության
գնահատման հաշվետվություն

Ձեռնարկող՝	Վլադ Հակոբյանի անվան «ՀԱՄԱԿՑՎԱԾ ԿԵՐԵՐԻ ԳՈՐԾԱՐԱՆ» ՓԲԸ
Ներկայացված նյութեր՝	Շրջակա միջավայրի վրա ազդեցության գնահատման հաշվետվություն՝ կից փաստաթղթեր
Գործունեության կատեգորիա՝	/Ա կատեգորիա/
Տեղադրման վայրը՝	ք. Երևան, Նուբարաշեն վարչական տարածք, Նուբարաշեն ավան 11-րդ փողոց թիվ. 75

Ներածական մաս. Վլադ Հակոբյանի անվան «ՀԱՄԱԿՑՎԱԾ ԿԵՐԵՐԻ ԳՈՐԾԱՐԱՆ» ՓԲԸ-ի կողմից ներկայացված թռչունների մարմինների և մորթից առաջացող մնացորդների այրման հրկիզարանի տեղադրումը նախատեսվում է իրականացնել ք. Երևան Նուբարաշեն վարչական տարածքի Նուբարաշեն ավան 11-րդ փողոց թիվ. 75 հասցեում՝ «ՆՈՒԲԱՐԱՇԵՆԻ ԹՈՒՂՆԱԲՈՒԾԱԿԱՆ ՖԱՐՐԻԿԱ» ԲԲ ընկերության սեփականություն հանդիսացող 62.05հա արտադրական տարածքում, վարձակալական հիմունքներով:

Համաձայն «ՆՈՒԲԱՐԱՇԵՆԻ ԹՈՒՂՆԱԲՈՒԾԱԿԱՆ ՖԱՐՐԻԿԱ» ԲԲ ընկերության և Վլադ Հակոբյանի անվան «ՀԱՄԱԿՑՎԱԾ ԿԵՐԵՐԻ ԳՈՐԾԱՐԱՆ» ՓԲԸ-ի միջև կնքված պայմանագրի «ՆՈՒԲԱՐԱՇԵՆԻ ԹՈՒՂՆԱԲՈՒԾԱԿԱՆ ՖԱՐՐԻԿԱ» ԲԲ ընկերությունը ժամանակավոր տիրապետման և օգտագործման է հանձնել իր արտադրական հզորությունները Վլադ Հակոբյանի անվան «ՀԱՄԱԿՑՎԱԾ ԿԵՐԵՐԻ ԳՈՐԾԱՐԱՆ» ՓԲԸ-ին:

Հողատեսքի նպատակային նշանակությունն արդյունաբերության, ընդերքօգտագործման և այլ արտադրական նշանակության է, գործառնականը՝ գյուղատնտեսական արտադրական օբյեկտների:

Գործունեության նպատակն է վերազինել ընկերության գործունեությունը՝ կենդանական ծագման թափոնների այրման հրկիզարանի տեղադրմամբ, ելնելով ռիզնես նկատառումներից և սեփական կարիքների բավարարման անհրաժեշտությունից:



Նախագծվող գործունեությունը, համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 4-րդ մասի 6-րդ կետի ա) ենթակետի հանդիսանում է Ա կատեգորիայի գործունեության տեսակ:

Նկարագրական մաս. Վլադ Հակոբյանի ԱՆՎԱՆ «ՀԱՄԱԿՑՎԱԾ ԿԵՐԵՐԻ ԳՈՐԾԱՐԱՆ» ՓԲԸ-ի կողմից վարձակալած արտադրական տարածքում՝ արտադրական գործունեությունը նախատեսված է հավերի բուծման, աճեցման աշխատանքներ կատարելու և մսամթերք արտադրելու համար: Կազմակերպությունը բնութագրվում է որպես առաջատար ժամանակակից տեխնոլոգիա ունեցող և ժամանակակից տեխնոլոգիական սարքավորումների օգնությամբ որակյալ արտադրանք թողարկող տնտեսվարող սուբյեկտ: Ներկայումս ընկերության հզորությունը կազմում է 20000 տ մսամթերք տարեկան:

Ընկերության տարածքում տեղակայված են թվով 6 թռչնանոց, յուրքանայուրը 1820.3քմ, գոմեր՝ 26460քմ, որոնք նույնպես օգտագործվում են որպես թռչնանոց, վարչական շենք և մորթի արտադրամաս:

Համաձայն գնահատման հաշվետվության ընկերության արտադրական տարածքի անմիջական մերձակայքում բնակելի տներ չկան: Արտադրական տարածքի շուրջ բոլորը դատարկ հողեր են: Մոտակա շինությունը գտնվում է 820մ հեռավորության վրա, տվյալ շինությունը իրենից ներկայացնում է անասնագոմ: Մոտակա բնակելի տունը գտնվում է ավելի քան 500մ հեռավորության վրա:

Նախատեսվող գործունեությունն իրականացվելու է գոյություն ունեցող երկարամյա մարդածին ազդեցության ենթարկված տարածքում, որով էլ պայմանավորված է բաց հողատարածքների, ջրային ավազանների, բուսատեսակների և կենդանատեսակների բացակայությունը: Նախատեսվող գործունեության հարակից տարածքում չկան պատմամշակութային հուշարձաններ:

Համաձայն գնահատման հաշվետվության՝ թռչունների մարմինների մորթից առաջացող մնացորդների այրման և վնասագերծման նպատակով, ընկերության տարածքում տեղադրվելու է ԵՄ ստանդարտին և պահանջներին համապատասխան 1785կգ քաշով, 1.474 մ³ տարողությամբ KPH-500 մակնիշի հրկիզարան: Կիզարանը նախատեսվում է տեղադրել 9.4x5մ չափսերով փակ շինության մեջ, բետոնապատ հարթակի վրա: Փակ շինության օդափոխությունն իրականացվելու է բնական եղանակով: Վառարանի 1 լիցքավորման միջին քանակը կազմելու է 500կգ, տարեկան առավելագույն արտադրողականությունը՝ 230տ/տարի, այրման հզորությունը 50կգ/ժամ: Այրման ընթացքում վառարանում առավելագույն ջերմաստիճանը հասնելու է 760°C–870°C, որը հնարավորություն է տալու թափոնները ենթարկել խորը ջերմային վնասագերծման: Թափոնների ջերմային վնասագերծումը կատարվելու է հրկիզարանի հիմնական և երկրորդային խցերում: Վառարանն աշխատում է բնական գազով, տարեկան իրականացվում է առավելագույնը 460 լիցքավորում, համաձայն հրկիզարանի տեխնիկական տվյալների գազի ծախսը կազմում է 12.07մ³/ժամ, տարեկան գազի ծախսը կազմում է 55600մ³:

Թափոնների այրման վառարանը կահավորված է D=0.16մ և H=4.5մ ծխատարով:

Ընկերության տարածքում թափոնները կպահեստավորվեն հատուկ սառնարանային տիպի 3x4մ չափսերով պահեստում, այն թերմոսային տիպի է, կահավորված հատուկ հովացման համակարգով: Թափոնները կպահվեն ամառը մինչև 48 ժամ, ձմռանը 72 ժամ, որտեղից կտրվեն կիզարան:



Նախատեսվող գործունեության ազդեցությունները հիմնականում կապված են լինելու թափոնների այրման, տեղափոխման, օդում՝ ածխածնի, ազոտի և ծծմբի երկօքսիդների, պինդ մասնիկների, ածխաջրածինների պարունակության ավելացման, արտակարգ իրավիճակների ռիսկերի առաջացման հետ, որոնք շրջակա միջավայրի վրա կունենան ազդեցություններ՝ թույլատրելի նորմերի սահմաններում: Համաձայն գնահատման հաշվետվության նախատեսվում է օդային ավազանի աղտոտումից պահպանման, թափոնների կառավարման, արտակարգ իրավիճակների ռիսկի նվազեցմանն ուղղված բնապահպանական միջոցառումներ և մոնիթորինգ (մշտադիտարկում):

- այրման խցում անհրաժեշտ ջերմաստիճանի և համապատասխան աշխատանքային ռեժիմի ապահովում,
- վառարանի ծխատար խողովակի մերձակայքում՝ 2-5մ շառավղով նմուշառում, մասնագիտացված լաբորատորիայի կամ կազմակերպության կողմից, օդում ածխածնի, ազոտի և ծծմբի երկօքսիդների, պինդ մասնիկների, ածխաջրածինների արտանետումների քանակի ստուգում և լաբորատոր անալիզի կատարում՝ ամիսը 1 անգամ,
- վառարանի մաքրում՝ չոր եղանակով, առանց ջրի և լուծույթների օգտագործման,
- թափոնների պահեստավորում հատուկ և փակ տարածքում՝ պարկերի կամ բեռնարկղերի մեջ, անձրևաջրերի հետ դրանց շփումը բացառելու համար,
- վառելիքի մետաղական պահոցների մաքրում՝ 2 տարվա պարբերականությամբ,
- արտակարգ և վթարային իրավիճակների առաջացման դեպքում՝ գործունեության դադարեցում և այլն:

Բնապահպանական միջոցառումների կատարման համար նախատեսվող ծախսերը կազմելու է տարեկան 800.000 դրամ:

Պատճառաբանական մաս. նախատեսվող գործունեությունը կատարվելու է գոյություն ունեցող արտադրական՝ հողային, ջրային ռեսուրսներից և բուսականությունից զուրկ տարածքում: Նախատեսվող գործունեության ազդեցությունը կլինի օդային ավազանի վրա, որը գտնվելու է թույլատրելի նորմերի սահմաններում: Թռչունների մարմինների և մորթից առաջացող մնացորդների բարձր ջերմաստիճանում վնասագերծման արդյունքում առաջանալու է այրման մնացորդներ՝ մոխիր:

Հաշվետվության փորձաքննական գործընթացին մասնակցել են համապատասխան մասնագիտական կառույցները՝ առողջապահության, արտակարգ իրավիճակների նախարարությունները, շրջակա միջավայրի նախարարության ստորաբաժանումները: Փորձաքննական գործընթացում գնահատման հաշվետվությունն առաջարկություններով և դիտողություններով լրամշակվել է: Օրենսդրությամբ սահմանված կարգով ք. Երևան, Նուբարաշեն վարչական շրջանում իրականացվել են հանրային քննարկումներ, որի ընթացքում հանրությունը դրական է արտահայտվել:

Փորձաքննական պահանջներ

- Գործունեության իրականացման ընթացքում անհրաժեշտ է ապահովել մշտադիտարկման (մոնիթորինգ) և հաշվետվությամբ ամրագրված բնապահպանական միջոցառումների կատարումը, իսկ դրանց չբավարարման դեպքում նախատեսել լրացուցիչ միջոցառումներ, բացառելով մթնոլորտային արտանետումների շեղումները նորմերից:



- Նախքան վառարանի գործարկումը անհրաժեշտ է սահմանված կարգով մշակել թափոնի անձնագիր, համաձայնեցնել շրջակա միջավայրի նախարարության հետ և թափոնի տեղադրումը իրկանացնել՝ ըստ անձնագրի:
- Պահպանել հրկիզարանի այրման ջերմաստիճանը՝ ապահովելով ՇՄԱԳ հաշվետվությամբ ամրագրված թափոնի(մոխիր) բաղադրությունը:
- Պահպանել աշխատանքի անվտանգության նորմերը:

ԵԶՐԱՓԱԿԻՉ ԱԱՍ

Վլադ Հակոբյանի անվան «ՀԱՄԱԿՑՎԱԾ ԿԵՐԵՐԻ ԳՈՐԾԱՐԱՆ» ՓԲԸ-ի կողմից ներկայացված Երևան քաղաքի Նուբարաշեն վարչական տարածքի, Նուբարաշեն ավան 11-րդ փողոց թիվ. 75 հասցեում թոչունների մարմինների և մորթից առաջացող մնացորդների այրման հրկիզարանի տեղադրման նախագծի շրջակա միջավայրի վրա ազդեցության գնահատման հաշվետվության վերաբերյալ տրվում է դրական եզրակացություն, փորձաքննական պահանջների պարտադիր կատարման պայմանով:

Գլխավոր մասնագետ՝



Յու. Մատինյան